

論

大日本  
校訂

大藏經

大乘論

晷



暑 四 目 次

○大乘莊嚴經論  
○大莊嚴論經

十三卷  
十五卷



目錄新作

大乘莊嚴經論目錄

序

太子右庶子安平男臣李百藥奉勅序

卷第一

緣起品第一 成宗品第二 歸依品第三 種性品第四

卷第二

發心品第五 二利品第六 眞實品第七 神通品第八 成熟品第九

卷第三

菩提品第十

卷第四

明信品第十一 述求品第十二之一

卷第五

述求品之二

卷第六

弘法品第十三 隨修品第十四

卷第七

教授品第十五 業伴品第十六 度攝品第十七之二

卷第八

度攝品第十七之一

卷第九

供養品第十八 親近品第十九 梵住品第二十

卷第十

覺分品第二十一之一

卷第十一

覺分品第二十一之二

卷第十二

功德品第二十二

卷第十三

行住品第二十三 敬佛品第二十四

大乘莊嚴經論目錄終

大乘莊嚴經論卷第一

(麗父)宋事(元事)明次

首題論下三本  
俱無卷第一三  
字而有序字○  
撰号奉勅序三  
字同作

臣聞天帝受無上之法景福會昌輪王致正眞之道神祇合德是則聖人執契玄化潛通至誠所感冥功斯應皇情西

太子右庶子安平男臣李百藥奉

勅序

隄明作提○蔭  
同作陰

榛同作柰○隄  
同作與

苞三本俱作包  
纂明作纂

惠三本俱作慧

頗下同有迦羅  
二字○以下元  
明俱有得字

銓三本俱作詮

顧法海東流。如開洪範之圖。似得圓光之夢。持綫妙典。發金口而祕綸言。書葉舊章。自龍宮而升麟閣。昔迦維駁世。大啓法門。懸明鏡於無象。運虛舟於彼岸。空有兼謝生滅。便忘絕智希夷之表。遺形動寂之外。然隨緣利見。應跡生知。震大地而萃人天。放神光而掩日月。百億須彌。俱霑聲教。三千世界。盡入隄封。愍三毒之羶鎖。矜五蔭之纏蓋。惜飛電於浮生。歎懸藤於近水。八關云開。開慧識於幽塗。三乘方軌。運慈心於朽宅。龍興霧集。神動天隨。大道爲心。累雲而遐舉。聞聲悟道。漸初地而依仁。遷慘苑之喬枝。入祇園之隄室。酌智水之餘潤。承慧日之末光。旣而於焉連河。歸真雙樹。聖靈逾遠。像教浸微。大義或乖。斯文將墜。穿鑿異端。分析多緒。是末非古。殊塗別派。天親初學之輩。尙致西河之疑。龍樹究竟之偉。彌深東魯之歎。仰惟法寶。盡諸無爲。故經文云。佛以法爲師。佛從法生。佛依法住。豈止研幾盡性。妙物窮神。出入無間。苞含元氣而已。若夫。惟天爲大。寒暑運其功。謂地蓋厚。山澤通其氣。是以姬文以大聖之姿。幽贊易道。丘明懷同恥之德。祖述微言。諸經著論。俯同斯旨。大乘莊嚴論者。無著菩薩纂焉。菩薩以如來滅度之後。合章秀發。三十二相具體而微。八千億結承風俱解。弘通正法。莊飾經王。明真如功德之宗。顯大士位行之地。破小乘執著。成大乘綱紀。其菩提一品。最爲微妙。轉八識以成四智。束四智以具三身。詳諸經論所未曾有。可謂聞所未聞。見所未見。聖上受飛行之寶命。總步驟於前王。屈天師之尊。智周萬物。應人皇之運。道照三明。慈惠外宣。神機內湛。端展而役百靈。垂拱而朝萬國。彌綸造化之初。含吐陰陽之際。功成作樂。既章韶舞。治定制禮。言動翠華。金輪所王。封疆之固。惟遠。芥城雖滿。龜鼎之祚。無窮。光闡大猷。開導群品。凡諸內典。盡令翻譯。摩伽陀國三藏法師波羅頗密多羅。唐言明友。即中天竺刹利王之種姓也。以大唐貞觀元年十二月入京。法師戒行精勤。才識明敏。至德隣于初果。多能亞夫。將聖繼澄什之清塵。來儀上國。標生遠之逸氣。高步玄門。帝心簡在皇儲禮敬。其博聞強記。探幽洞微。京城大德。莫不推許。粵以貞觀四年。恭承明詔。又勅尙書左僕射邛國公房玄齡。散騎常侍行太子左庶子杜正倫。銓定義學法師慧乘。慧朗。法常。智解。曇藏。智首。道岳。惠明。僧辯。僧珍。法琳。靈住。慧曠。慧淨。玄謨。僧伽等。於勝光寺共成勝業。又勅太府卿蘭陵男蕭瑒。監掌修緝。三藏法師云。外國凡大小乘學。悉以此論爲本。若於此不通。未可弘法。是以覃思專精。特加研究。慧淨法師。聰敏博識。受旨綴文。玄謨法師。善達方言。又兼義解。至心譯語。一無訛謬。以七年獻春之始。撰定斯畢。勒成十有三卷。二

云爾次行明有  
大乘莊嚴經論  
序終八字

十四品勅太子右庶子安平男李百藥序之云爾

大乘莊嚴經論卷第一

無著菩薩造

大唐天竺三藏波羅頗蜜多羅譯

緣起品第一

偈曰

義智作諸義

言句皆無垢

救濟苦衆生

慈悲爲性故

巧說方便法

所謂最上乘

爲發大心者

譯号唐上三本  
俱無大字三上  
同無天竺二字  
藏下宋有法師  
二字頗下三本  
俱有迦羅二字  
下每卷同

畧以五義現

釋曰莊嚴大乘經論誰能莊嚴答義智能莊嚴問義智云何莊嚴答開作諸義問以何開作答以言及句問以何等言以何等句答以無垢言以無垢句無垢言者謂能至涅槃城無垢句者謂字句相應若離無垢言句則於諸義不能開曉問以何義故莊嚴答爲救濟苦衆生故問衆生自苦何因救濟答爲菩薩者大悲爲體生憐愍故問若救他苦莊嚴何法答莊嚴如來巧說方便法問何等方便法答所謂最上乘問爲誰故莊嚴答爲發大乘心者問以幾義莊嚴答畧以五義示現問何者五義偈曰

譬如金成器

譬如花正敷

譬如食美饌

譬如解文字

譬如開寶篋

是各得歡喜

五義法莊嚴

歡喜亦如是

釋曰此中五譬即譬彼五義莊嚴如其次第能令發大心者信向故受教故思惟故修習故證得故問其義云何答金成譬爲令信向轉彼心故華敷譬爲令受教開示彼故食膳譬爲令思惟得法味故解文譬爲令修習更不思故開篋譬爲令證得真實菩提分寶自覺證故由此五義分別大乘能令彼人得生愛樂問若彼法自性功德具足何義更須莊嚴爲答此問偈曰

現下三本俱無在字

義同作法

品目上明無論名下每品同

諸上三本俱無制字

譬如莊美質 臨鏡生勝喜 妙法莊嚴已 得喜更第一

釋曰譬如美質加莊像現在於鏡則生勝喜何以故為有悅故菩薩亦爾莊嚴妙法義入自心則生勝喜何以故為有聞故問彼法有何功德須此莊嚴強欲令他恭敬信受耶偈曰

譬如飲藥苦 病差則為樂 住文及解義 苦樂亦如是 譬如難事王 因事得威力 如是難解義

因解得法財 譬如見生寶 不別則不愛 如是聞妙法 不覺亦不喜

釋曰此三偈次第顯示妙法有三功德一顯斷障因功德二顯自在因功德三顯妙喜因功德問此義云何答如飲苦藥初時則苦以難服故後時則樂以病差故此法亦爾住文時苦味難得故解義時樂障病破故如事嚴王初時則苦難得意故後時則樂與威力故此法亦爾思惟時苦深難解故思度時樂長聖財故如見生寶未別時則不愛謂無用故識別時則深重知有用故此法亦爾修行時則不喜謂空無用故修度時則深悅知有大用故緣起品究竟

大乘莊嚴經論成宗品第二

釋曰有人疑此大乘非佛所說云何有此功德可得我今決彼疑網成立大乘真是佛說偈曰

不記亦同行 不行亦成就 體非體能治 文異八因成

釋曰成立大乘畧有八因一者不記二者同行三者成就不行者成就不成者非體七者能治八者文異第一不記者先法已盡後佛正出若此大乘非是正法何故世尊初不記耶譬如未來有異世尊即記此不記故知是佛說第二同行者聲聞乘與大乘非先後一時同行汝云何知此大乘獨非佛說第三不行者大乘深廣非忤度人之所能信况復能行外道諸論彼種不可得是故不行由彼不行故是佛說第四成就者若汝言餘得菩提者說有大乘非是今佛說有大乘若作此執則反成我義彼得菩提亦即是佛如是說故第五體者若汝言餘佛有大乘體此佛無大乘體若作此執亦成我義大乘無異體是一故第六非體者若汝言此佛無大乘體則聲聞乘亦無體若汝言聲聞乘是佛說故有體大乘非佛說故無體若作此執有大過失若無佛乘而有佛出說聲聞乘者理不應故第七能治者由依此法修行得無分別智由無分別智能破諸煩惱由此因故不得言無大乘第八文異者大乘甚深非如文義不應一

向隨文取義言非佛語。復次若汝言初不記者。由佛無功用心捨故。若作此執是義不然。偈曰

諸佛三因緣 現見亦護法 如來智無礙 捨者不應爾

釋曰。若此大乘非佛說者。是為大障。諸佛有三因緣。何故不記。一無功用智恒起。是眼恒見。二恒作正勤守護正法。三如來智力無有障礙。由此三因。汝言捨而不記者。不應道理。復次若汝言有體者。即聲聞乘是大乘體。何以故。即以此乘得大菩提故。若作此執是義不然。偈曰

非全非不違 非行非教授 是故聲聞乘 非即是大乘

釋曰。有四因緣。非即以聲聞乘為大乘體。非全故。非不違故。非行故。非教授故。非全者。聲聞乘無有利他教授。但為自厭離欲解脫而教授故。非不違者。若言聲聞乘以自方便而教授他。即是他利教授。是義不然。何以故。雖以自利安他。彼亦自求涅槃勤行方便。不可以此得大菩提故。非行者。若汝言若能久行聲聞乘行。則得大菩提果。是義不然。非方便故。聲聞乘非大菩提。方便不以久行。非方便能得大乘果。譬如搆角求乳。不可得故。非教授者。如大乘教授聲聞乘。無是故。聲聞乘不得即是大乘。復次今更示汝相違義。偈曰

發心與教授 方便及住持 時節下上乘 五事一切異

釋曰。聲聞乘與大乘有五種相違。一發心異。二教授異。三方便異。四住持異。五時節異。聲聞乘若發心。若教授。若勤方便。皆為自得涅槃故。住持亦少。福智聚小故。時節亦少。乃至三生得解脫故。大乘不爾。發心教授勤方便。皆為利他故。住持亦多。福智聚大故。時節亦多。經三大阿僧祇劫故。如是一切相違。是故不應以小乘行而得大乘果。復次若汝言佛語有三相。一者入修多羅。二者顯示毗尼。三者不違法空。汝以一切法無自性而為教授。違此五相。故非佛語。若作此執是義不然。偈曰

入自大乘經 現自煩惱滅 廣大甚深義 不違自法空

釋曰。今此大乘亦不違三相。入自大乘修多羅故。現自煩惱毗尼故。由菩薩以分別為煩惱故。廣大甚深即是菩薩法空。不違此空得大菩提故。是故此乘與三相不相違。復次前說不行者。我今更示此義。令汝信受。偈曰

有上三本俱無  
彼字

有依及不定 緣俗亦不普 退屈忖度人 寧解大乘義

釋曰由有五因彼忖度者不能得入大乘境界彼智有依故不定故緣俗故不普故退屈故彼有依者智依教生非證智故不定者有時更有異智生故緣俗者忖度世諦不及第一義諦故不普者雖緣世諦但得少解不觸一切故退屈者諍論辯窮即默然故大乘者即無所依乃至終不退屈不退屈者無量經中有百千偈說大乘法由得此退屈才無盡是故大乘非忖度入境問汝說聲聞乘非佛菩提方便若爾何者是耶偈曰

廣大及甚深 成熟無分別 說此二方便 即是無上乘

釋曰廣大者謂諸神通由極勤方便令他信解故甚深者謂無分別智由難行故如其次第一為成熟衆生二為成熟佛法即說此二為無上菩提方便此二方便即是無上乘體問若爾有人於中怖畏過失云何偈曰

不應怖而怖 由怖被燒然 怖引非福故 長時過患起

釋曰若人非怖畏處妄生怖畏是人即墮極熱惡道而被燒然何以故由此怖畏引大非福聚生由此罪故能令是人經無量劫受大熱惱問彼人復有何因生此怖畏偈曰

非性非法朋 少慧少因力 怖此深妙法 退失大菩提

釋曰若人生怖由四因緣一非種性離菩薩性故二非法朋離善知識故三少慧力未解大乘法空故四少因力先世不種諸波羅蜜自性善根故由此因緣於甚深妙法橫生怖想由此想故於大菩提福智二聚應得不得是名為退故今應知此退過患最極深重已說怖過及怖因次說不應怖畏因偈曰

無異即互無 有異即險處 無譬種種說 續說多門說 非有如文義 諸佛甚深體 聰慧正觀人

應知不應怖

釋曰無異即互無者若汝言聲聞乘即是大乘無異大乘體若如是者即聲聞辟支佛乘復無有體何以故由得佛故如是一切皆是佛乘何因怖耶有異即險處者若汝許有異大乘體此體即是一切智道最為第一險處由難度故此應仰信何因怖耶無譬者於一時中無二大乘並出可以相比何因怖一不怖二耶種種說者今此大乘非獨說空亦

說大福智聚應解此意何因獨怖空耶續說者一切時中決定相續說空汝非乍聞何因怖耶多門說者彼彼經中多門異說顯大要用破諸分別得無分別智若異此說無大用者如來但應言空不說如法性實際等既說有多門何因獨怖空耶非有如文義者大乘甚深不如文義何因隨文取義而怖空耶諸佛甚深體者佛性甚深卒難覺識應求了別何因怖耶由如是等因緣故聰慧正觀人於此大乘不應怖畏已說不應怖畏因次說能行此法智偈曰

隨次聞思修 得法及得慧 此智行此法 未得勿非毀

釋曰若人最初依善知識能起正聞次於正義能起正憶次於真實境界得生正智次從彼彼得證法果次從彼後起解脫智是人此智隨深入遠能行此法汝若自無此智不應決定言非佛語已說能行此法智次遮怖畏此法句偈曰

不解解不深 深非思度解 解深得解脫 諸怖不應爾

釋曰不解者若汝言如是深法非我所解如是起怖畏者不應爾解不深者若汝言佛解亦不深如其解深何故說深如是起怖畏者不應爾深非思度解者若汝言何故此深非思量境界如是起怖畏者不應爾解深得解脫者若汝言何故獨解深義能得解脫非思量人能得解脫如是起怖畏者不應爾如是已遮怖畏此法句次以不信成立大乘偈曰 由小信界伴 不解深大法 由汝不解故 成我無上乘

曰元作由○小  
上明有由字○  
梨三本俱作黎

釋曰小信者狹劣信解故小界者阿梨耶識中熏習小種子故小伴者相似信界爲眷屬故此三若小則不信別有大乘由此不信則成我所立是無上法已說成立大乘次遮謗毀大乘偈曰

隨聞而得覺 未聞慎勿毀 無量餘未聞 謗者成癡業

釋曰汝隨少聞得有覺悟不應隨聞復生謗毀汝於未聞無信可爾何以故不積善故未聞者多慎勿謗毀汝無簡別若生謗毀更增癡業壞前聞故已遮謗毀次遮邪思偈曰

如文取義時 師心退真慧 謗說及輕法 緣此大過生

釋曰師心者謂自見取非智者邊求義故退真慧者如實真解未得退故謗說者毀善說故輕法者嫉所聞故緣此非福次身受大苦報是名大過起已遮邪思次遮惡意偈曰

遮同作過次同

惡意自性惡 不善不應起 況移於善處 應捨大過故

釋曰惡意者是憎嫉心自性惡者此心是自性罪尙不可於過失法中起何況於非過法中起是故急應須捨大過患故成宗品究竟

大乘莊嚴經論歸依品第三

釋曰如此已成立大乘次依大乘攝勝歸依偈曰

若人歸三寶 大乘歸第一 一切遍勇猛 得果不及故

釋曰一切歸依三寶中應知大乘歸依最爲第一何以故由四種大義自性勝故何者四義一者一切遍義二者勇猛義三者得果義四者不及義此義後當說由此四義多有留難諸歸依者或能不能者爲勝已說歸依勝次勸勝歸依偈曰

難起亦難成 應須大志意 爲成自他利 當作勝歸依

釋曰難起者所謂勝願由弘誓故難成者所謂勝行由經無量劫故由如此難應須發大志意何以故爲欲成就他利與自利故他利者所謂願行由願行是名聞因故自利者所謂大義由大義是自體果故前說四義今當先說一切遍義偈曰

衆生遍乘遍 智遍寂滅遍 是名智慧者 四種一切遍

釋曰大乘歸依者有四種一切遍一者衆生一切遍欲度一切衆生故二者乘一切遍善解三乘故三者智一切遍通達二無我故四者寂滅一切遍生死涅槃體是一味過惡功德不分別故已說一切遍義次說勇猛義偈曰

怖望佛菩提 不退難行行 諸佛平等覺 勇猛勝有三

釋曰大乘歸依有三種勝勇猛一願勝勇猛歸依佛時求大菩提多生歡喜知勝功德故二者行勝勇猛起修行時不退不屈難行行故三者果勝勇猛至成佛時與一切諸佛平等覺故復次由此勇猛彼諸佛子恒得善生偈曰

發心與智度 聚滿亦大慈 種子及生母 胎藏乳母勝

慈明作悲○藏  
同作藏次二同

釋曰菩薩善生有四義。一者種子勝。以菩提心爲種子故。二者生母勝。以般若波羅蜜爲生母故。三者胎藏勝。以福智二聚住持爲胎藏故。四者乳母勝。以大悲長養爲乳母故。復次善生者。由勇猛故恒得勝身。偈曰

妙相成生力 大樂大方便 如此四成就 是名爲勝身

救上三本俱有拔字

釋曰菩薩身勝有四種。一者色勝。得妙相嚴身勝。轉輪王等相故。二者力勝。得成熟衆生自在力故。三者樂勝。得寂滅上品佛地無邊樂故。四者智勝。得救一切衆生大巧方便故。此四成就就是名佛子善生。所謂色成就力成就樂成就智成就。復次由此勇猛得與王子相似。偈曰

光同作先次同

光授法自在 巧說善治攝 由此四因故 佛種則不斷

中同作生

釋曰由四因緣王種不斷。一者入位受職。二者增上無違。三者善能決判。四者分明賞罰。善生佛子亦爾。一者蒙光授。謂一切諸佛與大光明令受職故。二者法自在。謂於一切法中智慧自在他無違故。三者能巧說。謂對佛衆中善說法故。四者善治罰。謂於學戒者過惡能治功德能攝故。復次由此勇猛得與大臣相似。偈曰

入度見覺分 持密利衆生 由此四因故 得似於大臣

釋曰有四種因是大臣功德。一者入王禁宮。二者見王妙寶。三者祕王密語。四者自在賞賜。勇猛菩薩亦爾。一者常得善入諸波羅蜜。二者常見處處經中大菩提分寶。由不忘法故。三者常持如來身口意密。四者常能利益無邊衆生。已說勇猛義。次說得果義。偈曰

福德及尊重 有樂亦苦滅 證樂證法陰 習盡有滅捨

釋曰大乘歸依者得此八果。一者信解。得大福德聚。二者發心時得三有尊重。三者故意受生時得三有中樂。四者解自他平等時得大苦聚滅。亦得滅一切衆生苦力。五者入無生忍時覺證最上樂。六者得菩提時證大智。法陰者所謂法身。如此法身名爲大。名爲勝。名爲常。名爲善聚。是無邊修多羅等法藏故名大。一切法中最上故名勝。永無有盡故名常。爲力無畏等善法積聚故名善聚。七者得熏習聚盡永滅無餘。八者得有滅捨。有捨者不住生死。滅捨者不住涅槃。已說得果義。次說不及義。偈曰

大體及大義 無邊及無盡 由善世出世 成熟神通故

釋曰大乘歸依者所有善根由四因故一切聲聞辟支佛所不能及一者大體二者大義三者無邊四者無盡問此云何答大體者謂世間善根已得超過二乘故大義者謂出世善根二乘出世但自利故無邊者謂成熟善根能成熟無邊衆生故無盡者謂神通善根至無餘涅槃亦無盡故已說歸依勝義次說歸依差別偈曰

希望及大悲 種智亦不退 三出及二得 差別有六種

釋曰歸依差別有六種一自性二因三果四業五相應六品類希望爲自性至心求佛體故大悲爲因爲一切衆生故種智爲果得無上菩提故不退爲業行利他難行行不退不屈故三出爲相應具足三乘出離行故二得爲品類世俗得法性得麤細差別故已說功德差別次說行差別偈曰

歸依有大義 功德聚增長 慈悲遍世間 廣流大聖法

釋曰大義謂自他利行自利行者謂功德增長復有多種若思度若數數若時節皆無有量由不可思度故不可數知故畢竟恒行時無分齊故他利行者作意及悲遍一切衆生故廣勤方便流大聖法故大聖法者大乘法故歸依品究竟

#### 大乘莊嚴經論種性品第四

釋曰已說歸依義次說種性差別偈曰

有勝性相類 過惡及功德 金譬與寶譬 九種各四種

釋曰種性有九種差別一有體二最勝三自性四相貌五品類六過惡七功德八金譬九寶譬如是九義一一各有四種差別此偈總舉餘偈別釋此中先分別有體偈曰

由界及由信 由行及由果 由此四差別 應知有性體

釋曰種性有體由四種差別一由界差別二由信差別三由行差別四由果差別由界差別者衆生有種種界無量差別如多界修多羅說由界差別故應知三乘種性有差別由信差別者衆生有種種信可得或有因力起或有緣力起

能於三乘隨信一乘非信一切。若無性差別則亦無信差別。由行差別者。衆生行行或有能進。或有不能進。若無性差別則亦無行差別。由果差別者。衆生菩提有下中上。子果相似故。若無性差別則亦無果差別。由此四差別。是故應知。種性有體。已說種性有體。次說種性最勝。偈曰

明淨及普攝 大義亦無盡 由善有四勝 種性得第一

釋曰。菩薩種性由四種因緣。得爲最勝。一由善根明淨。二由善根普攝。三由善根大義。四由善根無盡。何以故。非諸聲聞等善根如是明淨故。非一切人善根攝力無畏等故。餘人善根無他利故。餘人善根涅槃時盡故。菩薩善根不爾。由此爲因。種性最勝。已說種性最勝。次說種性自性。偈曰

性種及習種 所依及能依 應知有非有 功德度義故

釋曰。菩薩種性有四種自性。一性種自性。二習種自性。三所依自性。四能依自性。彼如其次第。復次彼有者。因體有故。非有者。果體非有故。問若爾云何名性。答功德度義故。度者出生功德義。由此道理。是故名性。已說種性自性。次說種性相貌。偈曰

大悲及大信 大忍及大行 若有如此相 是名菩薩性

釋曰。菩薩種性有四種相貌。一大悲爲相。哀愍一切苦衆生故。二大信爲相。愛樂一切大乘法故。三大忍爲相。能耐一切難行行故。四大行爲相。遍行諸波羅蜜自性善根故。已說種性相貌。次說種性品類。偈曰

決定及不定 不退或退墮 遇緣如次第 品類有四種

釋曰。菩薩種性品類。畧說有四種。一者決定。二者不定。三者不退。四者退墮。如其次第。決定者遇緣不退。不定者遇緣退墮。已說種性品類。次說種性過失。偈曰

應知菩薩性 畧說有四失 習惑與惡友 貧窮屬他故

釋曰。菩薩種性過失。畧說有四種。一者習惑。功德不行煩惱多行故。二者惡友。離善知識狎弊人故。三者貧窮。所須衆具皆乏少故。四者屬他。繫屬於人不自在故。已說種性過失。次說種性功德。偈曰

道二本俱作趣

功德亦四種 雖墮於惡道 遲入復速出 苦薄及悲深

釋曰。菩薩種性。雖有如前過失。若墮惡道。應知於中。復有四種功德。一者。遲入。不數墮故。二者。速出。不久住故。三者。苦薄。這惱輕故。四者。悲深。哀愍衆生。亦成就故。已說種性功德。次說種性金譬。偈曰。

譬如勝金性 出生有四種 諸善及諸智 諸淨諸通故

釋曰。勝金性者。所出有四義。一者。極多。二者。光明。三者。無垢。四者。調柔。菩薩種性亦爾。一者。爲無量善根依止。二者。爲無量智慧依止。三者。爲一切煩惱障智障得清淨依止。四者。爲一切神通變化依止。已說種性金性譬。次說種性實性譬。偈曰。

及宋元俱作法

譬如妙實性 四種成就因 大果及大智 大定大義故

釋曰。妙實性者。四種成就依止。一者。真成就依止。二者。色成就依止。三者。形成就依止。四者。量成就依止。菩薩種性亦爾。一者。爲大菩提因。二者。爲大智因。三者。爲大定因。定者。由心住故。四者。爲大義因。成就無邊衆生故。已廣分別性位次。分別無性位。偈曰。

一向行惡行 普斷諸白法 無有解脫分 善少亦無因

釋曰。無般涅槃法者。是無性位。此畧有二種。一者。時邊般涅槃法。二者。畢竟無涅槃法。時邊般涅槃法者。有四種人。一者。一向行惡行。二者。普斷諸善法。三者。無解脫分善根。四者。善根不具足。畢竟無涅槃法者。無因故。彼無般涅槃法。此謂但求生死。不樂涅槃人。已說無性。次說令人。偈曰。

廣演深大法 令信令極忍 究竟大菩提 二知二性勝

釋曰。廣演深大法者。爲利他故。謂無智者。令得大信。已大信者。令成就極忍。能行不退。已極忍者。令究竟成就。無上菩提。二知者。謂諸凡夫及諸聲聞。若得如是。彼諸二人。則知自性性德圓滿。性最爲殊勝。問云。何勝。偈曰。

增長菩提樹 生樂及滅苦 自他利爲果 此勝如吉根

釋曰。如是種性能增長極廣功德。大菩提樹。能得大樂。能滅大苦。能得自他利樂。以爲大果。是故此性最爲第一。譬如。

吉祥樹根。菩薩種性亦爾。種性品究竟。  
大乘莊嚴經論卷第一

大乘莊嚴經論卷第二

無著菩薩造

〔麗父〕〔宋事〕〔元事〕〔明次〕

〔大唐〕〔天竺〕三藏波羅頗蜜多羅譯

發心品第五

釋曰。如是已分別菩薩種性。次分別菩薩發菩提心相。偈曰

勇猛及方便 利益及出離 四大三功德 二義故心起

作明作行○被  
三本俱作披○  
鉀同作甲

釋曰。菩薩發心有四種。大一勇猛大。謂弘誓精進甚深難作。長時隨順故。二方便大。謂被弘誓鉀已。恒時方便勤精進。故三利益大。謂一切時作自他利故。四出離大。謂為求無上菩提故。復次此四種大顯示三種功德。第一第二大顯示作丈夫所作功德。第三大顯示作大義功德。第四大顯示受果功德。此三功德以二義為緣。所謂無上菩提及一切衆生。由此思故發菩提心。已說發心相。次說發心差別。偈曰

信行與淨依 報得及無障 發心依諸地 差別有四種

釋曰。菩薩發心依諸地有四種差別。一信行發心。謂信行地。二淨依發心。謂前七地。三報得發心。謂後三地。四無障發心。謂如來地。已說差別。次當廣釋。問如此發心。以何為根。何所依止。何所信。何所緣。何所乘。何所住。何等障難。何等功德。何等自性。何所出離。何處究竟。偈曰

大悲與利物 大法將種智 勝欲亦大護 受障及增善 福智與修度 及以地地滿 初根至後竟

隨次解應知

釋曰。菩薩發心以大悲為根。以利物為依止。以大乘法為所信。以種智為所緣。為求彼故。以勝欲為所乘。欲無上乘故。

以大護爲所住。住菩薩戒故。以受障爲難。起異乘心故。以增善爲功德。以福智爲自性。以習諸度爲出離。以地滿爲究竟。由地地勤方便。與彼彼相應故。如此已廣分別。次說受世俗發心。偈曰

友力及因力 根力亦聞力 四力總二發 不堅及以堅

釋曰。若從他說得覺而發心。是名受世俗發心。此發心由四力。一者友力發心。或得善知識隨順故。二者因力發心。或過去曾發心爲性故。三者根力發心。或過去曾行諸善根所圓滿故。四者聞力發心。或處處說法時無量衆生發菩提心故。又習善根者。或現在如法常聞受持等故。復次彼四力發心總爲二種。一者不堅發。謂友力發心故。二者堅發。謂因等三力發心故。已說世俗發心。次說第一義發心。偈曰

親近正遍知 善集福智聚 於法無分別 最上眞智生

釋曰。第一義發心顯有三種勝。一教授勝。親近正遍知故。二隨順勝。善集福智聚故。三得果勝。生無分別智故。此發心名歡喜地。由歡喜勝故。問此勝以何爲因。偈曰

諸法及衆生 所作及佛體 於此四平等 故得歡喜勝

釋曰。四平等者。一法平等。由通達法無我故。二衆生平等。由至得自他平等故。三所作平等。由令他盡苦如自盡苦故。四佛體平等。由法界與我無別決定能通達故。已說勝因。次說勝差別。偈曰

生位及願位 亦猛亦淨依 餘巧及餘出 六勝復如是

釋曰。第一義發心復有六勝。一生位勝。二願位勝。三勇猛勝。四淨依勝。五餘巧勝。六餘出勝。問此六云何勝。偈曰

生勝由四義 願大有十種 勇猛恒不退 淨依二利生 巧便進餘地 出離善思惟 如此六道理

藏明作藏次同

釋曰。生勝由四義者。一種子勝。信大乘法爲種子故。二生母勝。般若波羅蜜爲生母故。三胎藏勝。大禪定樂爲胎藏故。四乳母勝。大悲長養爲乳母故。願大有十種者。十大願如十地經說。發此願勝故。勇猛恒不退者。能行難行永不退故。淨依二利生者。一知自近菩提。二知利他方便故。巧便進餘地者。得趣上地方便故。出離善思惟者。思惟住諸地中所

建立法故問云何思惟。答如所建立分齊分別知故。以是分別亦知無分別故。已說發心。次說譬喻顯此發心。偈曰

如地如淨金 如月如增火 如藏如寶篋 如海如金剛 如山如藥王 如友如如意 如日如美樂  
如王如庫倉 如道如車乘 如泉如喜聲 如流亦如雲 發心譬如如是

釋曰。如此發心與諸譬喻何義相似。答譬如大地。最初發心亦如是。一切佛法能生持故。譬如淨金。依相應發心亦如是。利益安樂不退壞故。譬如新月。勤相應發心亦如是。一切善法漸漸增故。譬如增火。極依相應發心亦如是。益薪火熾積行依極故。譬如大藏。檀波羅蜜相應發心亦如是。以財周給亦無盡故。譬如寶篋。尸波羅蜜相應發心亦如是。功德法寶從彼生故。譬如大海。摩提波羅蜜相應發心亦如是。諸來違逆心不動故。譬如金剛。毗梨耶波羅蜜相應發心亦如是。勇猛堅牢不可壞故。譬如山王。禪波羅蜜相應發心亦如是。物無能動以不亂故。譬如藥王。般若波羅蜜相應發心亦如是。減智二病此能破故。譬如善友。無量相應發心亦如是。一切時中不捨衆生故。譬如如意珠。神通相應發心亦如是。隨所欲現能成就故。譬如盛日。攝相應發心亦如是。如日熟穀成熟衆生故。譬如美樂。辯相應發心亦如是。說法教化攝衆生故。譬如國王。量相應發心亦如是。能爲正道不壞因故。譬如倉庫。聚相應發心亦如是。福智法財之所聚故。譬如王路。覺分相應發心亦如是。大聖先行餘隨行故。譬如車乘。止觀相應發心亦如是。二輪具足安樂去故。譬如涌泉。總持相應發心亦如是。聞者雖多法無盡故。譬如喜聲。法印相應發心亦如是。求解脫者所樂聞故。譬如河流。自性相應發心亦如是。無生忍道自然而流不作意故。譬如大雲。能成世界。方便相應發心亦如是。示現八相成道化衆生故。如此等及二十二譬。譬彼發心。如聖者無盡慧經廣說應知。已說發心譬喻。次說不發心過失。偈曰

思利及得方 解義亦證實 如是四時樂 趣寂則便捨

釋曰。菩薩有四種樂。一思利樂。謂思惟利益他時。二得方樂。謂至得巧方便時。三解義樂。謂解了大乘意時。四證實樂。謂證人法無我時。若人棄捨衆生趣向寂滅。應知是人不得菩薩如是四樂。已呵不發心。發心者應讚歎。偈曰

最初發大心 善護無邊惡 善增悲增故 樂喜苦亦喜

釋曰。若菩薩初發大菩提心。爾時依無邊衆生。即得善護不作諸惡。爲此故是人遠離退墮惡道畏。復次由有善及增

人同作入

二三本俱作三